

OKVIRNI SPORAZUM

između:

1. JAVNA USTANOVA OSNOVNA ŠKOLA „Džemaludin Čaušević“ Sarajevo sa sjedištem u Sarajevu, ul. Prvomajska 24, 71.000 Sarajevo, koju zastupa direktorica Šarkinović Beba (u daljem tekstu: Kupac), identifikacijski broj: 4200166390005, JRT broj 3380002210019263 kod UNICREDIT BANKE

i

2. „NERRO“ d.o.o. Sarajevo, sa sjedištem u Sarajevu, u ulici Armaganuša br.30, kojeg zastupa Mujkić Mirsad, direktor (u daljem tekstu: Prodavac), identifikacijski broj: 4201254460001, PDV broj: 201254460001, transakcijski broj: 338202266197138 kod UNICREDIT BANKE.

Član 1.

(Predmet okvirnog sporazuma)

(1) Predmet ovog okvirnog sporazuma je usluga pripremanja školskih obroka za produženi boravak (pripremanje obroka vrši se u prostorijama škole), prema specifikaciji iz člana 9. ovog okvirnog sporazuma.

Kako bi na adekvatan način obavljao ugovorom preuzete obaveze prodavac se obavezuje da prostorije školske kuhinje o svom trošku opremi u skladu sa potrebama izvršenja ugovornih obaveza.

Prodavac mora obezbjediti da namirnice koje se koriste u pripremanju hrane budu svježe, zdravstveno ispravne i kvalitetne što će dokazivati sa odgovarajućim dokumentom izdatim od strane agencije ovlaštene za kontrolu kvaliteta proizvoda.

Naručilac zadržava pravo, u slučaju neispunjavanja traženih kriterija, raskinuti prihvaćenu ponudu, odnosno okvirni sporazum.

(2) Kupac i Prodavac su saglasni, da okvirni sporazum realiziraju prema definisanim uvjetima u tenderskoj dokumentaciji, broj: 1-01/19 od 03.01.2019. godine prema sadržaju ponude broj: 1-01/19 od 15.01.2019. godine sa kojom je Prodavac učestvovao u provedenom postupku otvorenog zahtjeva za dostavljanje ponuda.

Član 2.

(Cijena)

(1) Okvirni sporazum se zaključuje sa procijenjenom vrijednosti, u iznosu do **40.629,60 KM** (četrdesethiljadašestodvadesetdeveti60/100 konvertibilnih maraka) bez uključenog PDV-a.

(2) Isporuka hrane iz člana 1. ovog sporazuma će se plaćati prema utvrđenim pojedinačnim jediničnim cijenama iz Ponude Prodavca broj: 1-01/19 od 15.01.2019. godine, koja se neće mijenjati tokom sporazumnog perioda.

(3) Ukupna plaćanja bez poreza na dodatnu vrijednost, na osnovu svih pojedinačnih isporuka hrane po zahtjevima Kupca na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

Član 3.(Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

Član 4.

(Rok isporuke)

Isporuka hrane iz člana 1. ovog okvirnog sporazuma će se vršiti sukcesivno i kontinuirano u toku trajanja okvirnog sporazuma i to dva do tri puta dnevno svakim radnim, odnosno nastavnim danom, a po zahtjevima Kupca.

Član 5.

(Način isporuke)

- (1) Obaveza Prodavca je da hranu iz člana 1. ovog okvirnog sporazuma isporuči u Sarajevu na adresu JU OŠ „Džemaludin Čaušević“ Sarajevo, Prvomajska 24, 71000 Sarajevo.
- (2) Cijena isporuke hrane je sadržana u cijeni navedenoj u članu 2. ovog okvirnog sporazuma.
- (3) Kod isporuke hrane Kupac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati ovog okvirnog sporazuma.

Član 6.

(Viša sila)

- (1) Kupac i Prodavac se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljedilo usljed više sile.
- (2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.
- (3) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*. U slučaju da se utvrdi da Prodavac nije u mogućnosti da ispuni obaveze prema ovom okvirnom sporazumu, Kupac ima i može koristiti, pravo na raskid ovog sporazuma o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 7.

(Garancija)

Prodavac garantuje da će isporuka iz člana 1. ovog sporazuma biti propisanog kvaliteta, koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli nadležnih institucija ovlaštenih za kontrolu hrane.

Član 8.

(Specifikacija hrane)

(1)Sastavni dio ovog okvirnog sporazuma je specifikacija usluga pripremljenih jela –mjesečni meni, koju je Prodavac priložio u svojoj ponudi broj: 1-01/19 od 15.01.2019.godine sa kojom je učestvovao u postupku otvorenog zahtjeva za dostavljanje ponuda.

Član 9.

(Period trajanja sporazuma)

- (1) Ovaj Okvirni sporazum se zaključuje na period od 20.03.2019.godine do 31.12.2020. godine, odnosno na vremenski period do iznosa procjenjene vrijednosti okvirnog sporazuma utvrđenoj u članu 2. stav (1) ovog okvirnog sporazuma.
- (2) Ukoliko se jedna od ugovornih strana ne bude pridržavala odredaba ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.
- (3) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

Član 10.
(Zaštita prava)

- (1) Sve nastale sporove Ugovorne strane će riješiti sporazumno, a ako to nije moguće spor će biti riješen pred nadležnim sudom u Sarajevu.
- (2) Na sva prava i obaveze sporazumnih strana koja nisu regulisana ovim okvirnim sporazumom, primjenit će se odredbe zakona o obligacionim odnosima.

Član 11.
(Stupanje na snagu)

Ovaj okvirni sporazum stupa na snagu danom potpisivanja od strane ovlaštenih osoba sporazumnih strana a primjenjuje se od 20.03.2019.godine.

Član 12.
(Broj primjeraka okvirnog sporazuma)

- (1) Ovaj okvirni sporazum sačinjen je u četiri istovjetna primjeraka, od kojih svaka sporazumna strana zadržava po dva primjerka.
- (2) Sastavni dijelovi ovog Ugovora su dijelovi Ponude Isporučioca: Obrazac za cijenu ponude, Tehnička specifikacija i Tenderska dokumentacija Naručioca, broj: 1-01/19 od 03.01.2019.god.
- (3) Prilozi ovog Ugovora su dijelovi Ponude Isporučioca: Obrazac za ponudu i Izjava ponuđača (Aneks II), Obrazac za cijenu ponude (Aneks III).

Prodavac

Direktor:
/Mirsad Mujkić/




Broj:
Sarajevo, 20.03.2019.godine

Kupac

Javna ustanova osnovna škola
„Džemaludin Čaušević „, Sarajevo

Direktor:
/Beba Šarkinović /



Broj: 668-01/19
Sarajevo, 20.03.2019.godine

